

帶

經

堂

詩

話

帶經堂詩話卷十一

漁洋山人

衆妙門三

指數類下

宋牧仲撫江西一夜夢予屬賦瀟湘雁立成五言覺而憶之不遺一字詩云岸濶水無際月明春雁翔徘徊念儔侶清影落瀟湘時康熙壬申四月十九日也

并錄一

漁洋詩話

宋牧仲太宰巡撫江南日夢余屬賦洞庭鴈云岸濶水

無際月明春鴈翔裴回念儔侶清影落瀟湘余報書曰此又一鮑孤雁也

五月中與同人諸及門間爲結夏文字之會一賦得五月江深草閣寒一鏡湖五月涼一五月賣松風人間本無價麗工

詩話卷十一

才藝指數

部雪厓

壇

詩云閑傍蒼松置短牀南風瀟灑透衣裳人間第

一清涼散休把千金比禁方南薰灼灼自天中五粒陰多障

遠空莫怪山僧開橫口快哉不數大王風嘒嘒鳴蜩毒熱新

松枝輕颭午風勻此間好是清涼國遮莫鋪金肯售人

又二首不及錄

龍刑部雷岸

爨

詩云岸幘披襟意爽然憑誰索價且高懸東

坡只欲時人買剛道清風直萬錢滿袖攜歸且嘯歌紛紛觸

熱客何多涼風爭似涼州好此價唯須問孟佗

又一首不及錄

二君皆

以翰林出爲郎署有詩名龐任邱人通禪理龍望江人工詞

曲有瓊花夢芙蓉城諸傳奇

六月連雨至七月不絕此事遂廢

已上居易錄

無錫馬翀字雲翎文肅公

世奇

之孫起自孤露中康熙壬子江

南鄉試詩有奇氣時時仿李長吉而未竟其才游京師所飯

心者獨余與崑山葉文敏訥巷他無所詣也歸未幾而病依

靈岩毅禪師於柏城菴得領悟一夕索筆書偈曰刀斫虛空  
於吾何有十里桃花千溪楊柳泊然而化年才三十

周體觀伯衡遵化州人順治己丑進士以庶吉士出爲給事

中外補饒九南道副使與施愚山開章同爲江西監司又同年

也其風流好事略相似有過黃州絕句云不見當年劉克猷

子壯已丑狀元西風吹淚古黃州舊時江路能來否落日招魂故驛樓

殊不愧古人也予兄叔子士祜重經采石感懷曹梁父二絕句

云憶向江干惜別離黃昏石壁共題詩今來寂寞空江上獨

酌青蓮夜雨祠禪榻何人對寂寥短檠和淚雨瀟瀟若爲灑

向寒江裏月黑雲深欲上潮亦不減周作梁父姑孰文士好

交遊其兄森字滄波與予善已上香祖筆記

趙韞退按察官湖西有詩百餘篇余取其南康登樓一絕句

云返照臨高閣寒煙澹澹分城空何所有一半是匡君

今日善學西崑者無如常熟吳爰修齡學才調集無如江都  
宗元鼎定九建昌楊思本因之太原趙瑾懿侯趙下橋絕句  
云東陽回首又天涯天步艱難國步賒一自下橋橋斷後王  
孫惆悵不歸家虎邱云綠陰濃護好樓臺獨擢扁舟月下來  
翹首楚天堪墮淚湛盧何處不重迴楊踏花明日值雨云折  
得花來不贈人膽餅相對一枝春遙憐昨夜行歌處落草霑  
泥倍愴神怨詞云春草日夜綠春鳥飛且鳴感郎千金意猶  
自覺愁生

并錄二

漁洋

詩話門人宗元鼎梅岑詩以風調爲主酷學才調集七言如

來逢鶯語詩從作

去聲

去被人畱酒重醺雙柑香濺佳人手半

臂寒添酒客肩煬帝冢云帝業興亡世幾重風流猶自說遺

蹤但求死看揚州月不願生歸駕六龍揚子江云帆勢天涯  
去不迴龍笳何惜渡江來香車若到長干路後主荒宮花又  
開新亭云東晉江山暮雨秋新亭人士昔時游徒聞王導神  
州語周顓先收作楚囚吳音曲云璧月瓊花夜夜重隋兵已  
斷曲阿衝麗華邨上能多記偏忘牀前告急封畱鄒計士謨  
云新開蘭蕙正芳菲初到鮪魚入饌肥最好流光是三月如  
何拋卻渡江歸

古夫于  
亭雜錄

順治初有太原進士趙瑾字懿侯官長洲知縣江西新  
城進士楊思本字因之其詩皆似才調集非一時噉名者所  
及而世罕知之

淮陰張養重虞山遊浙東過廣陵謁余揖甫罷余亟問曰夙  
愛足下南樓楚雨三更遠春水吳江一夜生平生如此好句

復有幾張退謂邱洗馬季貞象曰夙昔快意之句不意阮亭

一見便能道出

余最喜武林毛馳黃

舒先

詠西施絕句云別有深恩酬不得向

君歌舞背君啼此意未經前人道過

陳戶部子文

禔

詩云斜日一川沂水北秋山萬點益門西未

入蜀不知其寫景之妙

并錄一

文 歸尾

斜日一川沂水北秋峯萬點益門西視唐人僧尋野渡

歸吳嶽鴈帶斜陽入渭城之句不啻過之

董易農侍御

文

題井陘淮陰侯祠云春雨王孫草靈風古木

叢

蔣修撰虎臣

超

順治丁亥及第不樂仕進自言前身我翁老

僧也後竟歿於蜀常題金陵舊院云錦繡歌殘翠黛塵樓臺

已盡曲池涇荒園一種瓢兒菜獨占秦淮舊日春

李退菴侍郎有讀水經注憶洞庭一篇極佳余和之云楚望  
經時入渺冥岳陽樓上數峯青曾臨南極浮湘水坐對西風  
憶洞庭斑竹想從春後長落梅猶向笛中聽新詩吟罷愁多  
少腸斷當年帝子靈一時和者甚衆叔兄叔子補詩云相思  
何處折芳馨望斷黃陵舊日亭秋水依稀聞落葉楚天鬢  
見揚靈洲邊子戌三春綠樓外君山一帶青太息雲中君在  
否不堪重問道元經

龔端毅

龔端毅

送入出塞云軍中轉粟青天上使者論功大夏西

顏修來

顏修來

曲阜人康熙丁未進士官考功郎中書法擅一時

於詩亦有功清流關云身騎龍背上青霄路轉峯迴出麗譙  
雨氣全吞幽壑樹風聲直送大江潮渡江云天際揚帆一鳥



輕四邊銀屋海門聲巨鼇已散扶桑島卻怪神山兩岸行長  
千云南郭浮屠高出霞下窺黃屋如金沙四十門中響空籟  
吾將獨步青蓮花

宗枏附識考功字通甫更字修來別字樂圃復聖六十八代孫也九齡工行草書十三  
姍詩賦康熙癸卯舉鄉試爲先給諫典試所得士吾家涉園門內題榜曰蒿徑後有跋  
語數行筆意秀逸考功  
當日爲先給諫作也

胡介字彥遠錢唐人布衣食貧而妻與女皆能詩順治中遊  
京師送人南歸云帆檣楚國羣鳥晚橘柚吳天一雁晴介與  
淮陰邱曙戒象季貞象兄弟善

薛行陽少宗伯所孟縣人明崇正戊辰進士順治初有詩名

於京師常有句云千盤少室三花小九曲河流一帶黃人多  
稱之

李丹壑編修子故友合肥文定公腹子蚤慧能以詩世其家

然有別才如洛陽懷古云秋來張掾多歸思事去王郎少宦情殊有言外意

宣城諸梅號多才瞿山

清

輯梅氏詩略余序之今唯耦長

庚

在耦長工詩畫琴谿云田家桑落酒風物藥租魚落梅云背城花鴈得春遲凍雀銜殘尙未知聞說綠珠堪絕世我來偏見墜樓時

杜茶州

澹

送人入蜀云古意淮南葉他鄉劍外州不減古作

德州田

震

字子益戶侍綸霞弟也有句云柔藍浮野岸澹墨

上春鱗

漢陽宗人戩字孟穀少游嶽麓題詩云不借直踏寒煙裏麝香獨遊亭午時其池陽山行長句過歐公廬山高遠甚客中州與吳雯倡和風穴白茅寺諸篇工力悉敵楚才自胡君信

承諾顧亦方景星而外僅見此人

馮廷樞字大木德州人康熙壬戌進士館選不得與以中書舍人終近日才士之厄未有如大木之甚者其晴川集余序而行之荆卿故里云一卷輿圖計已踈單車徑入虎狼都縱然意氣傾燕市豈有功名到酒徒空向夫人求七首誰令豎子把頭顧南來曾過邯鄲道試問人知劍術無又寂寞黃花時節雨淹畱烏帽丈人祠半篙谿水楓園屋一片山雲雪到門此例甚多古選歌行尤有可傳

張篤慶字歷友淄川相國憲松

至發

先生曾孫文章淹博華瞻

千言可立就詩尤以歌行擅場如邢太保賜劍行趙千里海天落照圖歌等篇不失空同大復家法郢中諸律詩正德嘉靖宮詞率多傑作丙戌客新城與余倡和不下數十首和青

谿張麗華小祠云淒涼三閣鳳臺空誰向長城問舊公千古  
青谿谿上月人間無復景陽宮不及夸光汎五湖千尋月殿  
已模糊唯餘無恙秦淮水猶照臨春玉樹枯劍州鄧艾廟云  
奇兵未扼一九泥縣竹懸軍萬仞梯奄忽當塗更平聲典午翻  
嫌多事鄧征西自古奇功未可居螳螂蟬雀竟何如縱然制  
勝陰平道衛瓘誰知擁檻車一滴水可知大海味也

程先貞字正夫德州人侍郎紹之孫也有海右陳人集才情  
不及盧德水世而深穩過之如豐侯歌葛巴刺梳歌火蓮行  
諸篇皆有逸氣

程氏負郭有東樓錢宗伯牧齋崇正中爲復社事被逮居停  
於此者數月有欲別東樓去四詩在集中謝方山重過鐵佛  
寺詩老屋秋風吹辟邪蕭條負郭幾人家裴回細詠虞山句

不見吹簫過落花

莆田宋珏字比玉善八分而小詩亦工嘗記其一絕云來時  
梅瘦未成花別後垂楊金作芽他日相思如見畫板橋西望  
是吾家

周侍郎櫟園

亮

示友云海水羣飛百丈高同君城上擁弓刀

戰癡莫向鐙前看恐惹霜華上髣髴毛輓楊秀才云唾地新詞  
破錦囊高樓君自拜滄浪文人命薄將軍死誰賦城南舊戰  
塲

門人張桐峯

琴

淵靜沉默作歌行踔厲風發而不失規矩揚

州人無知其工詩者余取其詩入感舊集琴舉康熙癸丑進  
士未仕卒

安邱二曹禮部貞吉字升六中丞申吉字錫餘兄弟齊名禮

部在京師和余文姬歸漢圖等長歌極有筆力中丞淪沒異域未見其止祭告湖南有句云雪花飛過洞庭去愁對斑斑湘竹林

余澹心

懷

莆田人居建康常賦金陵懷古詩不減劉賓客謝

公墩云高臥東山四十年一堂絲竹敗苻堅至今墩下瀟瀟雨猶唱當時奈何許孫楚酒樓云江南城西酒樓紅無數楊柳迎春風孫楚去後李白醉千年不見紫髯公雨花臺云雨花臺上草青青落日猶銜木末亭一綫長江三里寺千年鶴唳九秋螢勞勞亭云蔓草離離朝送客驪駒愁唱新亭陌夜深苦竹啼鷓鴣空牀獨宿頭皆白順治辛丑屬巖子餐流寄余廣陵余畬詩云千載秦淮水東流繞舊京江南戎馬後愁絕庾蘭成鍾阜蔣侯祠青谿江令宅傳得石城詩腸斷蕪城

客

呂潛字半隱故明兵部尙書大器之子亂離後流寓江左有詩云橫江閣外數帆檣立盡西風髣欲霜只有鄉心不東去蚤隨煙月上瞿唐

林茂之詩客來自何處爲言南山頭昨夜片時雨新添春澗流入白門云白門迢遞夕陽關千里閩天一日還依舊客情無別事逢人都問武夸山芳草云春風吹百卉草色遍相侵到處沒馬足有時驚客心遠連空漠上寒濛碧波潯獨有朋如冢青青恨至今又孔雀菴云依然一茅宇宛在千竹林秦淮新漲云春雪消谿岸江潮上水門雪夜簡胡彭舉云今歲山城雪偏於昨夜深同爲閉戶客故自絕相尋同喻宣仲鸞峯寺聽秋鶯云物候遷移愴客魂啼鶯何意戀山邨不因落

葉林間滿猶道啼春在寺門潯陽別曹汝載云扁舟客思共  
閒餘分手那堪卽到初明月中秋九江水愁人無暇作鄉書  
又雲樹見楚色詩篇聞越吟黃鳥暫啼去清風時下來右皆  
與曹能始吳非熊兆倡和時作刻意六朝未染楚派者也并  
錄二

池北偶談林翁茂之度居金陵年八十餘貧甚冬夜眠敗絮中其  
詩有恰如孤鶴入蘆花之句方爾止文寄翁詩云積雪初晴  
鳥晒毛閒攜幼女出林臯家人莫怪兒衣薄八十五翁猶緼  
袍及卒周繼圖侍郎亮葬之鍾山

分甘餘話方龠山冬日林茂之前輩見過云積雪初晴鳥晒毛閒  
攜幼女出林臯家人莫怪兒衣薄八十五翁猶緼袍龠山又  
有詩云烏衣巷口多芳草明日重過是早春亦佳句



新安汪徵遠字扶晨工於詩古選尤閒澹有王韋之風若黃  
山詩不見菴中僧微雨潭上來不愧古人其從弟洪度字于  
鼎余嘗定其全集歌行如建文鐘湖孰菜等篇皆見史筆非  
苟作者

漢武帝秋風辭足跡騷人李嶠汾陰行能使明皇感動流涕  
真絕唱也家兄西樵吏部從弟幼華又都諫皆有作西樵云  
千秋雁上見遺祠武帝雄風自一時法駕逶迤齋殿啟靈壇  
颯沓羽旂披禮成侍從陪遊盛情極君王感物悲陳跡祇今  
誰髣髴白雲南雁望參差幼華云東風紫燕入叢祠河上人  
家記漢儀古碣半淪天上水蒼松全折雨中枝依稀三燭流  
光夜想像千官立仗時最喜啼鶯猶未歇看花一路到汾隍  
亦無慙才子之目

幼華詩本三首  
皆佳不具錄

孫文定詠史云田叔歸來竇后傷蕭條梁苑下微霜一時賓  
客多枚馬不遣雄文悟孝王

楚人門巷蕭湘色竟陵胡君信

張

句野航人遠雁聲低侯官

許有介

友句

同年傳侍御彤臣

展

吾邑人博雅能詩作詞曲亦跌宕有致

常於滄洲道上賦柳枝詞二十首略載於此絕代容華照眼  
明幾年聲價重金城誰言青髻垂垂老一到臨風百媚生零  
露蕭晨半未乾日高猶自怯輕寒連錢驄馬驕嘶過青眼樓  
頭帶笑看殘照芙蓉溢頰紅珊珊仙骨玉瓏璵幾回眠起嬌  
無力披拂偏宜少女風垂金小篆不曾譌葉葉紛披撇與波  
截柳編蒲無用處祇傳新樣似元和靈和前殿見風姿成薛  
耽情寫豔詞九月受風秋色裏冶遊心醉麴塵絲拂隄又復

映征帆折贈還宜女手摻薄暮一番微雨過江州司馬溼青

衫

并錄一

古夫于亭雜錄

侍御傅彤臣余同邑同年也順治辛丑請急歸康熙戊

午應博學宏詞之徵明年報罷往來滄洲道中感秋柳賦詩  
二十首多可誦身後著述散佚聊錄數章於此以見一斑云  
灞橋橋畔美人居性慧能爲倒薤書一視觀容頻問訊十省  
新樣近何如絕代容華照眼明幾年聲價重金城誰言青髻  
垂垂老一到臨風百媚生零露蕭晨半未乾日高猶自怯輕  
寒連錢驄馬驕嘶過青眼樓頭帶笑看殘照芙蓉溢額紅珊  
珊骨節玉瓏璫幾番眠起嬌無力披拂偏宜少女風垂金小  
篆不曾譌葉葉紛披撒與波截柳編蒲無用處祇傳新樣似  
元和靈和前殿見丰姿成薛耽情寫豔詞九月受風秋色裏

冶遊心醉麴塵絲拂隄又復映征帆折贈還安女手摻薄幕  
一番微雨後江州司馬溼青衫

江都門人汪懋麟字季角亦字蛟門詩才雋異古文學王介甫游吳題寒山寺云吳中池館日吹簫只有寒山寺寂寥搖落江楓對漁火行人歸去雨瀟瀟題顧符積畫云昭陽顧生畫樓觀絳闕瑤房生白雲如螳宮人三百六丰神都似李將軍

門人林石來

麟

莆田人康熙庚戌進士自禮部郎中督學貴

州其玉巖詩集余爲序之閩舊無牡丹唯塔山獨有數本石來題詩云催放鼠始花信風錦茵銀燭照鞋紅何當澹月慈恩寺傳徧新詞到六宮品題國色總尋常姚魏爭誇壓衆芳不是宣和翻舊譜何人解賞女真黃

詩話卷十一

指數

十

董樵江東懷古詩云春風嗚咽鳴珂地寒雨淒涼散臘辰又  
春風公瑾墓細雨呂蒙城樵有詩三四十卷屬余論定未及  
報而樵卒

已上漁洋詩話

近少年才人負奇天折有雲間夏完淳存古故吏部瑗公允  
彝之子十七歲著大哀賦不減庾子山世多傳之豫章黎祖  
功耆爾前浙江提學博菴元寬之子詩甚奇崛意不可一世  
亦十七歲江行死於盜先是賦吁嗟行一篇不數日遂死若  
識然其詩云山何不攢峯爲刃以絕我脰天何不降玉爲棺  
以封我尸區區姓氏人不知面目塵土何所爲魯連好個儻  
曹公無威儀宵如小儒舉舉衣裳學仲尼起齧我筆燔我詩  
手中提攜三尺兒誰博白兔兩丸泥荒雞驚起夜亂啼神鬼  
駭駭得志天地悲南城陳伯璣

允

衛取其遺集入詩慰新建陳

士業緒宏序之序亦奇

吾鄉風雅明季最盛如益都王坦太平長山劉孔和節之尤非

尋常所及王巡撫滿子劉相國訓鴻子也余為作合傳他如益

都王之若湘客諸城丁元耀野鶴邱常石海石掖縣趙士伯濬士丹

澤萊陽姜垠如農弟垠如須宋政文玉弟琬玉叔董樵樵谷

淄川高珩葱佩益都孫廷銓道相趙進美韞退章邱張光元明新

城徐夜東癡輩皆自成家余久欲輯其詩為一集傳之未果

也孫 本朝拜相高吏部侍郎趙與琬俱按察使丁邱皆以

教職遷知縣丁自有集余僅記邱馬上見一絕云薄羅衫子

凌春風誰家馬上口脂紅馬蹏蹏入落花去一谿柳條黃淡

中并錄二

池北偶談徐東癡言少時於章邱逆旅見一客袴褶急裝據案大

嚼旁若無人見徐年少呼就語曰吾東武丁野鶴也頃有詩  
數百篇苦無人知子爲我定之因擲一巨編示徐尙記其一  
律云陶令兒郎諸葛妻妻能炊黍子蒸蒸一家命薄皆耽隱  
十載形勞合靜栖野徑看雲雙屐蠟石田耕雨半犁泥誰須  
更洗臨流耳戛戛幽禽盡日啼野鶴晚遊京師與王文安鐸  
諸公倡和其詩亢厲無此風致矣

古夫子  
亭雜錄

諸城丁野鶴與邱海石友善而皆負氣不相下一日飲

鐵溝園中

東坡集有鐵  
溝行卽其地

論文不合邱拔壁上劍儼丁將甘心焉丁

急上馬逸去丁著天史詩多奇句如老將云低頭憐戰馬落  
日大江東老馬云西風雙掠耳落日一回頭此例皆警策邱  
晚爲夏津訓導過梁山泊詩云施羅一傳堪千古卓老標題  
更可悲今日梁山但爾爾天荒地老漸無奇

陳其年以四六詩餘冠絕一世然其詩亦豪邁有奇氣嘗贈先西樵兄及余詩云名士終朝能妄語蓋反用世說語也又贈山陰呂生云馬中赤兔人中布用成語尤奇

宗枏按檢討以才氣勝竊謂四六第一詩次之詞與散文又次之其湖海樓詩集驅遣卷軸馳騁筆力自足雄視詞壇微覺發越無餘少雅歌投壺之致耳又按馬中赤兔人中布歸安茅大理想微彭城懷古詩已有此句全篇載明詩綜

馮班之子曰賢字補之詩學白樂天卻有自得之趣與吳

天章善嘗求余論定其詩惜逸其本矣

并錄一

居易錄馮補之常熟人能詩工書予二十年前曾選定其詩

顧大申本名鏞字震雉號見山善丹青尤工設色爲詩精深華妙兼有寄託在松江派中大樽之下諸人之上嘗刻詩三百篇及楚詞選詩爲一書名曰詩原康熙己酉以工部郎中奉使權輿關作畫別余自後不復相見

已上古夫亭雜錄



黃始字靜御吳人有詩云一聲啼鳥半江月才到兩山天欲明

余小時見寶應吳敏道詩一卷頗有佳句僅記其一絕云楊子江頭雨雙橈倚綠蕪愁心將客夢日夜向東吳惜不憶其全矣

門人周雪客在浚櫟園先生長子也有汴梁懷古詩云七朝亭盡昇平福冷雨淒風哭靖康又有孫吳天發神讖碑歌頗奇偉卽所謂國碑者也在義興國山

門人湯西厓仁和人少以詩名書法適婚似東坡以禮科給事中提督河南學政在京師日以黔游詩屬余論定惜東歸匆匆遂失其本與吳雯天章王戩孟穀皆布衣至交

并錄二

漁洋詩話門人湯西厓右光祿題辰龍關云東馬懸厓險關門鬱

不開居然橫戟地曾此挂弓回浩蕩妖星落蒼茫角吹哀兵  
家爭問道爲語勒銘才

分甘  
餘話

湯西厓使黔詩多高作黔陽絕句云白白紅紅繡袂花

盤絲繪蠟儘堪誇自吹木葉銀環女者卜河邊問宋家中丞  
席觀劇云探喉一串玉盤珠華屋神仙絕代無惱亂中丞筵  
上見梨園弟子李仙奴審音荀令與周郎檀板銅槽共一牀  
山雨乍收簾月白聽風聽水按伊涼管咽絃停意淺深雲牕  
六扇漏初沉已迷秦客風花路休笑吳兒木石心

宗桢附識亞谷叢書湯西厓重過萬柳堂云笙歌不記迴燈觴魚鳥誰能認髻絲  
集王文靖公怡園云今日城南韋杜少舊時池上管絃多七字中有無限感慨

汪鈍翁過石鵑詩云主賓無語似相念淨掃青苔坐夕陽乳  
燕飛飛蛙閣閣楚萍謝絮滿池塘

錢唐王丹林字赤抒官中書舍人常賦古意四首見投曰古

鼎古錦古鏡古琴託意甚深詩尤高妙爲人篤於師友以病假歸遂不起惜哉

已上分廿餘話

### 合作類

朱文公有盛家洲訪盛溫如詩云云溫如亦有詩云蒼松翠竹映斜暉野菊花開過客稀葉底黃蟲作寒蘭雨餘胡蝶滿園飛梅花樹下三間屋挂壁枯桐盡日閒有客過門彈一曲斷雲殘雪滿空山後一首曹能始載之名勝志予過豐城得四首愛之錄其二溫如名璚

宋吳曾字虎臣臨川人著能改齋漫錄最爲淹雅獨未見其詩過江西觀曾登羅山五言詩一篇甚佳有句云桃花破叢管一笑爲嫣然春雨正蒙密澗水鳴潺湲甚有東坡風致識之俟訪其全集

已上皇華紀聞

李泰伯觀文章皆談經濟其本領尤在周禮一書范文正公

居易錄  
無公字

薦之以爲著書立言有孟軻揚雄之風在北宋歐蘇曾

王間別成一家予嘗病其不能詩長夏借讀盱江集絕句乃

頗

居易錄  
作間

有似義山者如王方平云五百餘年別恨多東征重

得見青蛾擗麟始擬窮歡樂不奈閑人背癢何璧月云璧月

迢迢出暮山素娥

娥字從  
居易錄

心事問應難世閒最解悲圓缺祇有

方諸淚不乾梁帝云凝旒南面搃虛名廟祀何曾暫割牲但

學禪心能忍辱莫羞侯景陷臺城送僧遊廬山云行非爲客

住非家此去廬山況不遐要見南朝舊人物池中唯有白蓮

花憶錢塘

居易錄  
有江字

云當年乘醉舉歸帆隱隱前山日半銜好是

滿江涵返照水仙齊著淡紅衫皆有風致此集乃正德乙亥

南城令孫甫刊本有祖無擇及泰伯自序最爲完善予家藏

本差不及

宋王銍性之雪溪集五卷詩不能佳獨曉發石牛一絕云忽  
忽車馬出清晨日淡風微已仲春松竹陰中山未盡梅花林  
外有行人寫景頗工性之別有默記若干卷今傳于世明清  
仲言之父也

所安集中附載文信公青原詩云空亭橫蝦蟇斷碣偃龍蛇  
活水參禪筍真香透佛茶晚鐘何處雨春水滿城花夜飲燈  
前客江西七祖家此詩甚工

已上贅尾文

宋陳輔輔之丹陽人有詩云北山松粉未飄花白下風輕麥  
腳斜身似舊時王謝燕一年一度到君家爲王介甫所知而  
與蘇公尤厚善此詩尤爲可愛特書之

香祖筆記 并錄一

分廿餘話宋丹陽陳輔訪建康楊驥題壁絕句云北山松粉未飄

花白下輕風麥腳斜身似舊時王謝燕一年一度到君家風  
致可愛然輔不聞有詩名若唐人任華盧延讓之屬詩反得  
傳於後名之顯晦信有數耶

金人劉祁京叔歸潛志章宗春水放海青趙黃山颯應制立  
進詩云鴛鴦初暖下陂塘羽騎星馳入建章黃繖輕陰隨鳳  
輦綠衣小隊出鷹坊搏空玉爪凌霄漢瞥眼風毛墮雪霜其  
喜園陵得新薦侍臣齊捧萬年觴章宗大喜之以爲非宿構  
不能至此此詩雖唐宋名人應制不能過也

古夫于亭雜錄

元耶律文正湛然居士集十四卷中多禪悅之語其詩亦質  
率閒有可采者略摘數篇管城從我自燕都流落遐荒萬里  
餘半札秋毫裁翡翠一枝霜竹剪瓊琚鋒端但可題塵景筆  
下安能劃太虛聊復贈君爲土物中書休笑不中書

贈李祁王筆

肯

年萍水便相尋握手臨風話素心刻燭賦成無字句按徽彈

徽沒絃琴風來遠渡晚潮急雨過寒塘秋水深此樂莫教兒

輩覺又成公案滿叢林寄平陽淨名院潤老班姬零落到而今聞道翻身

入道林歌扇舞裙忘舊業藥爐經卷半新吟閑眠白晝三杯

酒靜對青松一曲琴更看他年栖隱處蓬山樓閣五雲深武過

川贈僕散令人狐死曾聞尙首邱悲予去國十年遊崑崙碧聳日落處

渤海西傾天盡頭君子云亾真我恨斯文將喪是吾憂尙期

晚節回天意隱忍龍庭且強畱過燕京和陳秀玉韻閑騎白馬思無窮來

訪西城綠髮翁元老規模妙天下錦城風景壓河中花開杞

欒芙蓉澹酒汎蒲桃琥珀濃痛飲且圖容易醉欲憑春夢到

盧龍閒乘羸馬過蒲華又到西陽太守家瑪瑙瓶中簪亂錦

琉璃鍾裏汎流霞品嘗春色批金橘受用秋香割木瓜此日

幽歡非易得何妨終老住流沙

贈蒲察元帥

河中春晚我邀賓詩滿

雲箋酒滿巡對景怕看紅日暮臨池羞照白頭新柳添翠色

侵凌草花落餘香著莫人

朱淑真詞無奈春寒著莫人

且著新詩與芳酒西園

佳處送殘春

河中遊西園

萬里西征出玉關詩無佳思酒瓶乾蕭條

異域年初換坎軻窮途臘已殘身過碧雲遊極樂手遮西日

望長安年光迅速如流水不管詩人兩鬢斑

壬午元日

已上數作

頗有風味皆從軍西域之作也

池北偶談

虞山錢牧翁謂梧溪集記宋元末國事人才多史家所未備

予讀之信然又如宋高皇壽成殿汝璣解引孟郡王忠厚佩

印歌制置彭大雅瑪瑙酒椀歌之類尤令觀者一唱三歎予

最愛其題王冕墨梅一絕云霜落銀河月在天美人松下鬪

嬋娟一枝倒影吳牛角曾似知章踏酒船自序云冕者畫梅



嘗犢牛遊京城名貴側目

居易錄

句曲外史雜詩一卷元張雨伯雨著詩多拘體予最喜其絕句如凌波仙子塵生襪空谷佳人玉鍊容不奈天寒風露早日高猶傍錦熏籠

三香圖

弁山南下幽人宅萬箇長松水一瓢

月到三層樓上夢鯉魚風起駕春潮

萬壑松濤

鷄犬茅茨接暝煙

平林如薺遠連天急披奇句無人賞已近飛鴻滅沒邊

黃子久畫

頗有坡谷遺風自題云乙酉歲自春徂夏靈雨時多日處幽

篁中未有裹飯過子桑者閒弄筆研寫詩盈冊以自料理耳

詩凡五十五首子英過之持去勿示不知我者雨告

香社筆記

亦見蠶尾續文

吾鄉公文介公

肅

萬歷中爲詞林宿望詩文淹雅絕句尤工

如習家池云峴首岩巒漢水長習池煙樹野亭荒羊公流涕

山公醉竝枕殘碑臥夕陽西郊金主釣臺云花石遺網入戰  
圖薊門衰草釣臺孤不知艮岳宮前更得見南軍入蔡無畿  
南問宋遼戰地云戰勝河東下薊邱高粱失御陣雲愁六飛  
不入燕山府直見鑾輿下廣州明湖獨眺云窄岸平橋萬柳  
斜半城春水半人家東風吹雨宵來急一片鄉心到海涯別  
邢子愿云南浦分攜暮雨微平林望斷送將歸新詩一一題  
團扇隴首秋雲片片飛行元白詩寄馮用韞云千里襟期付  
此詞郵筒珍重寄相思將來莫遺玲瓏唱淚盡夸陵緩棹時  
生平有意皆成幻死去憑誰得報君燈影幢幢對疎雨一聲  
哀雁入秋雲濟南晤李季重云一望并州雁影沉三年幽夢  
蜡湖陰歷城四面寒泉水堪照青陵臺下心泉林寺云百里  
天涯一夕分月華中斷悵離羣坐聞莊子城頭水卻憶夸吾

臺上雲蘭谿望金華山水云新安水色括蒼煙煜煜金華發  
女連靈異果應仙路近始知此是蔚藍天

杜子美梓州金華山詩上有蔚藍天謂潼川之金華山此

乃借

百折桐江繞釣臺四明雲起接天台半空突出冰輪湧

定是龍湫雁宕開南樓云十二樓開列玉京分明天上落層  
城簷前寂寂三珠樹半夜鶴飛來上鳴掖縣道中云齊疆行  
盡海雲生處處看山自問名麥秀漸漸桑柘綠馬頭不見曲  
侯城襄陽云江上輕帆落浴鳬鏡中倒影數峯孤林鶯送客  
巖花笑曾見銅鞮歌舞無南竺寺云晚霞挂重塔微月碧殿  
空林壑松檜響十里聞秋風皆不減唐人風致而列朝詩取  
之甚少不可解蓋牧翁多抑西北人也

安磐松谿升菴先生友也其詩風神獨絕而世罕知之予登  
凌雲寺石壁刻詩甚夥唯松谿四絕句最爲高唱記其二云

青衣江上水溶溶隔岸遙聞戒夜鐘暫借竹牀聽梵放月華  
初到第三峯林竹斑斑日上遲鳥啼花暝暮春時青衣不是  
蒼梧野卻有蛾睂望九疑蓋凌雲九峯枕青衣江之東而蛾  
睂三山正直其西至其地知其詩爲工也

已上池北偶談 井錄一

漁洋詩話

安磐字松谿蜀嘉定州人正德時爲給事中以諫南巡

廷杖余登凌雲石壁刻詩最多唯松谿四絕句甚工記其二  
云青衣江上水溶溶隔岸遙聞戒夜鐘暫借竹牀聽梵放月  
華初到第三峯林竹斑斑日上遲鳥啼花暝暮春時青衣不  
是蒼梧野卻有蛾睂望九疑蓋蛾睂三峯正直凌雲九峯之  
西中隔三江至其地知其詩之工也余嘉州竹枝云分取三  
江作明鏡鏡中各自照蛾睂

宋文憲公濂集有題長白山居圖詩云滿地雲林稱隱居燕

詩話卷十一

合作

六

泥污我讀殘書五更風急鳥聲散時有隔花來賣魚予撰長  
白山錄未及載入因錄於此然不知爲何人作也

居易錄

粵東詩派皆宗區海目

大相

而開其先路者鄺露湛若也露南

海人著嶠雅有騷人之遺音人日登越王臺云登臺試人日

此日謂空人日照高臺色臺非故苑春青山白雲路綠水流

花津醉欲呼鸞去遙遙芳杜鄰別人云露斜山階隋鐘斷水

悠悠草綠斑駁怨花飛紅粉愁如何雲夢月不共漢江流又

送王孫去淮南桂樹秋廣州破抱所寶古琴而死余爲賦抱

琴歌云嶧陽之桐何胖胖緯以五絃發清商一彈再鼓儀鳳

皇鳳皇不來兮我心悲抱琴而死兮當告誰吁嗟琴兮當知

之

漁洋詩話 并錄一

池北  
偶談  
鄺湛若南海狂生也負才不羈常敝衣跣履行歌市上

旁若無人其詩名嶠雅過賈誼宅三閭廟云浮湘七澤下靈  
渠牢落殘雲伴索居庚子日斜聞鵬鳥重陽沙渚見江魚天  
高未敢重相問年少何勞更上書此去樊城望京國定從王  
粲賦歸與

邊華泉尙書集有送于利四絕句利吾縣人宏治己酉舉人  
官揚州府同知苑馬寺卿璧之子也邊詩云送君城南橋笑  
折城南柳歸來掩關坐皎月當牕牖露下夜已久清軒調玉  
琴淒涼湘水曲窈窕白頭吟一別春城雨兩回秋月圓樽前  
不盡醉書札但空傳離腸似連環宛轉不可絕相送淮水秋  
相思燕地雪

古夫于亭雜錄

先兄考功常云合肥公流水青山送六朝才子語也陳其年  
緇浪捲前朝去英雄語也龔公自東粵歸過金陵賦詩云綺

閣臨春玉樹飄空江鐵鎖野煙消興亡何限蘭亭感流水青山送六朝陳有烏絲詞三卷多瓊奇閨房游俠之詞尤妙如春陰簾外天如墨又玉梅花下交三九雖秦李不能過也并錄一

酒洋詩話先兄西樵常云合肥龔尙書流水青山送六朝才子語

陽羨陳其年浪擁前朝去英雄語

宗相附識並齋述蒿廬先生云合肥其年二語俱從東坡先生念奴嬌起句脫出

楊廉夫自負其五言小樂府嘗云七言絕句體人易到吾門章本能之古樂府不易到吾門張憲能之至小樂府二三子不能唯吾能之耳向見吾友孫處士豹人枝數章頗奇略記於此蕭儼向舒州君王怒未休樓高苦無井不及景陽樓又置酒宣華苑嘉王好酒悲韓昭方用事涕淚莫輕垂

夢溪筆談亟稱王介甫集句風定花猶落鳥鳴山更幽以為

上句靜中有動下句動中有靜且云公始為集句詩有多至

百韻者黃震曰荆公集句諸作其巧其博皆不可及近代頗

有之然無如泗上施端教匪我平生集句詩數千首屬對精

切縱橫曲折無不如意偶舉一章如贈鸚鵡長律云莫恨雕

籠翠羽孤劉憲主人情義自辛劬王初人憐巧語情雖重白居易鳥

憶蕭子雲飛意殊李正三舍鄭牛徒識字李甫千年丁鶴任歌

呼羅隱多言應伴高吟客嚴郊學語還稱問字徒崔璞始覺琵琶絃

鹵莽白居易終憐吉了舌模糊孫繁文章辨慧皆如此白居易事業

紛呶亦大都魏朴歸去不煩詞客賦羅邨夢來還記隴頭無張勸

君不必分明語羅隱且自三緘問世途胡曾格律寄託兩詣妙境

奇作也并錄一



香祖予平生爲詩不喜次韻不喜集句不喜數疊前韻唯少

鉅記時有集黃山谷詩一絕云謝人榨頭夜雨排簷滴誰與愁睂

唱一杯瘦盡腰圍怯風景城南名士遣春來如此集句恐非

李西涯所知西涯有集句詩一卷

金壇潘高南村詩雅語時入古人予最喜一絕句云黃鴉穀

穀雨疎疎燕麥風輕上鰲魚記得去年寒食節全家上冢泊

船初已上池北偶談并錄一

漁洋詩話金壇潘高孟升五言學韋柳余愛其清真古澹謂可與

王言遠庭邢孟貞助頡頏陳其年與余書云有潘高者貧而

工詩久別無可言者止此一物奉獻潘有寒食一絕云黃鴉

穀穀雨疎疎燕麥風輕上鰲魚記得去年寒食節全家上冢

泊船初

牧仲中丞寄江西近歲所作詩四卷中有云別院如山靜旗  
門鼓不撾往來行藥地開徧蜀葵花又云架上紅薔錦段張  
惱人顏色殢人香簿書叢裏抽身去獨凭闌干到夕陽不獨  
緩帶輕裘兼復隱囊紗帽薛許昌自謂龐官定緣無此勝情  
耳

蠶尾文

天章賦予西城別墅古詩十四首甚工聊錄數篇于左

石帆亭云

風動袈裟角洪濤四溟吼如何不動搖片石土囊口爲賞正

定心添種菱三畝

熊唱軒云

采山因采真歸來發高唱衣上煙霞

斑雜坐無禮讓身忘草本年心寄尊虛上

小華子圖云

右丞禪悟人

千古生則傲每思茱萸泝一理欹湖棹何意春城西犬吠夜

如豹

小善卷云

洞中過天地居然小善卷焚香還晏坐獨理朱絲

絃谿割罨畫水人耕陽羨田

竹徑云

欹側錦石路窈窕無凡卉

去去綠陰中涼風動斐亶仙人何處來一萬青鸞尾

蘇軾臺云

門有高士求怒不可得出水仍大笑妙意誠難測爲想鳳鸞

音崇臺願矜式

并錄三

漁洋詩話吳天章雲題雲林秋山圖云經營慘澹意如何渺渺秋

山遠遠波豈但穠華謝桃李空林黃葉亦無多

古夫于亭雜錄吳天章天才超軼人不易及嘗爲余題倪雲林畫云豈

但穠華謝桃李空林黃葉亦無多尋常眼前語正自百思不

到晚買小園中條之陰有竹數百竿梅橘各數株余題之曰

中條竹隱乃未及歸老而天章死矣惜哉其集遺言屬余刪

定後世必有知之者

分甘餘話吳天章過真定賦詩云鎮州荷花一萬柄正對城門是

酒家下馬當壚更斟酌醉臨明鏡看吳娃風格殆不減楊廉

夫余與海內論詩五十餘年高才固不乏然得隨者終屬天章也

麗工部塏霽公示甲戌歲新詩其病足一絕句尤可喜短歌微吟朝復昏吾患何有有身存卽妨美人笑健者春來不過平原門麗前翰林檢討任邱人

已上居易錄

臨朐馮文毅

題漢文帝幸代圖

云漢帝當年歌大風歡畱

父老樂融融誰知將相調和後更有君王讌賞同每飯未嘗忘鉅鹿故居猶自念新豐旌旗十萬雲中駕休儼登臺出塞

雄

曲周劉半舫尙書

榮嗣

詩雅有清裁盧侍御德水

世雅

亟稱之題

蘭亭卷云山淺圍青甸衆芳更曲流永和之上已逸少以千秋余夙昔喜誦之不以虛字損其佳也

內兄張蕭亭

實居

鄒平少保忠定公孫也家有滑園擅印壑之

趣今燕矣常有詩云桃花乍放柳初生葉底春禽送好聲人

在西園山翠裏斜風細雨度清明余刻其詩四卷

宗相按蕭亭詩選山人手爲點次其中短篇佳句所最賞者如阿那瓊云明月照白沙  
黃羊逐野馬三千河朔兒大戰天山下雨後云雨歇山欲曉夕陽在鳥背孤亭淡清秋  
花木有餘態曉起行田中云宿鳥驚初鳴山深村始旦綵花露尚滴橫樹煙未散晨光  
結晴霞嵐氣散空翠閒居云竹葉酒香人乍病梨花月冷燕爭飛海棠詠云細雨樓臺  
春夢靜輕風簾幙曉曉曉寒暮春云桐花影裏櫻桃熟鴛鴦鳥聲中茗葉新春日試筆云一  
卷離騷千日酒三春花鳥四圍山王秀才過訪云僕本恨人春易老君非遊子意何悲  
雨中云好風吹白雲一雨清煩暑寄涼水云夏山忽欲雨灌木多涼風東子玉云春來  
菜坼渾忘肉病後花飛未卸綿謝山僧送菊云同居世外偏宜淡伴我山中更耐寒對  
酒云晚涼堪對酒相勸有青山又詠白丁香云人含舊恨青  
山外花結新愁細雨中情韻劇佳惜選中不載附識于此

長山劉孔和節之相國青岳先生

鴻訓

子爲詩豪邁雄放有東

坡放翁之風明末率義旅南渡劉澤清忌而殺之有日損堂

集一代奇才也題趙松雪宮女啜茗圖云秋宮肅肅古衣裳

靜女無愁黛亦蒼不點疎螢和月色絹頭已作百年涼厓山

遺恨捲黃沙彩筆王孫弗憶家忍向卷中摹舊事直須羞煞  
後庭花聽小史燕子彈琴云高梧修竹曉沈沈侍子垂簾拂  
素琴聽盡明光三十段碧池涼雨一時深

王遵坦字太平益都人太僕少卿帶如子博雅嗜古詩學

楊用修源本樂府與劉公子節之倡和齊名有願學齋集題  
項王本紀云英雄竟以成敗論嗟哉帝王豈有真亞父不用  
乃考終淮陰逃死未央官是知仁與不仁吳楚亡漢王亦細  
事垓下何必更悲歌虞兮呂兮較若何詠古玉鏡子云世間  
銅臭久塵埋圓壁千年出洛街曉步想隨雙鳳珮晚粧應照  
九鸞釵微茫斑駁雲生面錯落光明月入懷最好瓊樓伴仙  
子素娥斜捧上瑤階南渡依劉澤清澤清旣殺劉節之王遂  
北走歸國隨肅王定蜀署四川巡撫卒於閬中

徐東癡

夜

春詞云一層楊柳一層風五里桃花十里紅但是

出遊皆傍水逢人多半在城東青入細鈎深復深非關社日  
亦停鍼明朝撲蝶南園會預辦釵頭鬪草金當壚小婦太憎  
生記折梨花在古城日出未難非馬足暫休不肯是鶯聲戲  
馬臺連司馬橋城門開處馬蕭蕭君臣遊覽飛花盡唯見秋  
千入碧霄一代才華怨落花西清園內賦新茶年年指點風  
流業猶自垂楊綰暮鴉

淄川唐濟武翰林

夢

順治己丑進士官檢討以建言罷歸與

高念東侍郎倡和其詩源出蘇陸社燕云敬瑜詩賦同林鳥  
合德椒房共命禽細柳池塘音上下釀花天氣舞晴陰亦袁  
海叟白燕之比再至金陵云鬢鬢風柳綠絲偏略似倡條髮  
覆肩卻出秦淮相問訊于今不見已三年蓮葉田田蓮子稀

風翻一片蕩漁磯祇如解制僧初散都著西天壞色衣  
答念東云青蘿洞口舊聞吟百道鳴泉百尺陰使說河豚堪一飽  
不應苦筍爲抽簪

陳說巖

延敬

相國少與余論詩獨宗少陵略記其一云晉國強

天下秦關限域中兵車千乘合血氣萬方同紫塞連天險黃  
河劃地雄虎狼休縱逸父老願從戎

屈翁山客代州詩三年爲客渡滹沱聽盡悲笳出塞歌白髮  
不愁明鏡滿秋霜只怨鴈門多蘊藉宛轉不減李益

朱竹垞

尊

著書最富如日下舊聞經籍存叻考皆餘百卷又

撰詩綜詞綜若干卷其自著詩歌雜文曰竹垞文類者余爲  
序之尤愛其少時永嘉諸詩如南亭云薄雲雨初霽返照南  
亭夕如逢秋水生我亦西歸客西射堂云已見官梅落還聞



谷鳥啼愁人芳草色綠徧射堂西孤嶼云孤嶼題詩處中川  
激亂流相看風色暮未可纔輕舟吳橋港云聞說吳橋港荷  
花百里開當年王內史五月權船迴瞿谿云鳥驚山月落樹  
靜谿風緩法鼓響空林已有山僧飯飲吳郎宅云吳郎愛客  
解千齡勸飲青絲挈玉餅落日兒童齊拍手過江三日幾曾  
醒祁六座上逢沈五云東陽年少沈休文五載相思兩地分  
今日謝家羣從在青綾帳外更逢君

徐延壽字存永閩人徐煥興公之子也家鼇峯藏書與曹能  
始謝在杭埒亂後并田園盡失之將移家湖南道廣陵與余  
定交有過燕子磯作云馮夸吹浪齧山根雲樹千重暗白門  
故壘尙聞雙燕語空江曾見六龍奔楊花暮雪行人路杜宇  
春風古帝魂扣柂中流頻喚酒客情難遣是黃昏

已上漁洋詩話

故侯常某開平裔孫也鼎革後居湖孰種菜自給人謂之湖孰菜其妻卽中山女也至是已先逝汪于鼎

洪度

湖孰菜歌云

腰圍寶帶盤羅珍笙歌叢裏算連晨頭戴箬笠手鋤土烈燄光中日卓午昔人身未離朱門自道心如游蓬戶今觀此翁殊不然蚤向朱門曾晏眠天傾地坼身何惜蓬戶還容受一廬開門江天直入座生涯況有鋤能荷耕砂耘礫代菑畬細風飄飄吹雨過霜根得氣乳膏蒸迸泥甲拆聲最清繞脰顧盼色飛動栩栩黃蝶知予情一肩入市晨光爛道塗所過香風散只數金錢莫問名買魚沽酒歸來貫遙望鍾陵土一抔有時落日重迴頭鳳皇已逐青冥去無夢吹簫共跨遊于鼎又作鐵券歎甚有史筆其序云明成祖卽位封駙馬都尉王寧永春侯鐵券旌德民得之田間券載寧受通燕之謗

拘繫三年靖難師至始得釋褒其始終不改之節則其人可知矣。老農得券隴畝旁人間因得瞻龍光琢鐵嵌金爲文章山河帶礪憑永長一代舊制何輝煌惜哉名以靖難揚金枝玉葉同苞桑豈導姬旦來輔王不然潛通奚所望華袞字字褒忠良承家只道永流芳豈知隙影駒奔忙吹簫臺空無鳳皇銅駝陌上隨淪亾此券流傳天意藏金鐵不滅名彌彰又建文鐘云天詔正統還讓帝如以黍谷存陽氣歲晚冰霜律未回一綫微陽正藏閉我來深山憩古寺瞥見孤鐘思往事風雷未敢信流言貴戚何當輕易位麤砂磨治碑版文烈火銷融金鐵製普天盡易洪武年何處還稱建文歲其時鉤連盡十族斷支交首盈衢寺輕生不乏有心人百年猶爲存苗裔赫赫雷霆九天怒威有難加勢難至正學縣縣一子遺

孤鐘歷歷半行字天軸地維未傾拆萬古千秋此維繫  
革除一案萬古公憤右二篇發揮痛快故備錄之于鼎新安  
歛人余門人也其息廬詩集余所論定

公馭爲詩矯矯有奇氣常寄余五言云離居才幾日蘭葉春  
風生門外卽流水布帆東下輕野處寡新友良辰多遠情思  
君如草色迢遞向蕪城

已上古夫于亭雜錄

帶經堂詩話卷十一

帶經堂詩話卷十二

漁洋山人

衆妙門 四

佳句類

唐崔國輔詩松雨時復滴寺門清且涼語最妙宋初潘閬詩  
夜涼疑有雨院靜若無僧亦佳然不免作意五代盧延遜山  
寺詩雨三條電欲爲雨四五箇星猶在天延遜好爲俚語此  
一聯乃差有致予門人崔華有句云一寺千松內飛泉屋上  
行又宿山寺云此中枕簟客初到夜半梧桐風起時不減古  
人

延遜一聯元文宗  
早行詩刪取之

居易錄

巴東縣寇萊公祠在巴山南麓公在巴東有野水孤舟之句  
爲人傳誦然公此中詩尤多佳句如印鎖殘陽後人歸疊翠

陰水穿吟閣過苔遶印牀斑衆木侵山徑寒江逼縣門皆錢  
郎之選也

蜀道驛程記

宗杲附識統林伐山載蔡公南浦詩春風入垂楊煙波漲南浦落日動離魂江花泣微雨妙處不減唐人

和靖詩特工五言如畫岩松鼠靜春棧竹雞深水風清晚釣  
花日重春眠何減昔人所舉草泥行郭索雲木叫鉤輶耶若  
詠梅疎影暗香之句及雪後園林才半樹水邊籬落忽橫枝  
一聯七言唯此可稱絕唱他殊不類何也

蠶尾續文并錄二

居易錄東坡云西湖處士骨應槁只有此詩君壓倒按林詩疎

影暗香一聯乃南唐江爲詩止易竹字爲疎桂字爲暗耳雖  
勝原句畢竟不免偷江東之誚如坡言逋生平竟無一詩矣  
然如沙泥行郭索雲木叫鉤輶畫巖松鼠靜春棧竹雞深又  
詠梅雪後園林纔半樹水邊籬落忽橫枝皆不失佳句也

池北林君復詩陰沈畫軸林間寺零亂棋枰葑上田寫景最

工近程孟陽嘉有句云古寺正如昏壁畫層湖都作水田衣

語意本林而工又過之

後村序宋慶之希仁詩摘句有云多年翁仲在寒食子孫稀

又跋徐寶之詩摘句云盡日飛花急隔溪芳草深皆晚蘇尾文無曉字

唐人佳句不知二集猶傳否記訪之

宋桑世昌蘭亭博議子庚午歲曾借之朱竹垞太史舊刻甚

精妙惜匆匆還之未及鈔寫蘇尾文無妙字下十字讀蘇尾文作按葉水心集云世

昌事事精習詩尤工其卽事蘇尾文無卽事二字云翠添鄰塹竹紅照屋

山花蓋著色畫也已上居易錄

劉原父貢父博雅爲北宋第一流惜公是公非二集不傳故

後世之名出歐蘇下耳如石林拈原父詩句云涼風起高樹

清露墜明河此亦何減元暉仲言襄陽蘇州耶

香祖筆記

宗相附識避暑錄話此詩常是在長安時作今其全首氣韻殊妙題作夏夜云涼風響高樹清露墜明河雖復夏夜短已覺秋氣多

奈此祭者何首句響字與此所賦異

洪武中淦人黃桀有詩名徵為周王府伴讀著詩海珊瑚其集佚不傳今所傳有句云移舟秋水渡載酒夕陽亭磐石中流坐青山夾岸看野田青處麥千頃楊柳綠邊人幾家山頭一夕風雨過門外雙溪春水生行看野岸數楊柳驚起沙頭雙鷺鷥殊有風致可誦

皇華紀聞

邊華泉先生仲子習頗能詩其佳句云野風欲落帽林雨忽沾衣又薄暑不成雨夕陽開晚晴而老鰥貧窶至不能給朝夕以死則先生清節可知也

池北偶談 并錄二

漁洋詩話 邊習字仲學歷城戶部尚書華泉先生仲子有睡足軒



詩一卷紙札草惡猶是當日真蹟亡友徐東癡裝潢而藏之  
余旣刻華泉集又刪存仲子詩一卷附刻於後其佳句云野  
風欲落帽林雨忽霑衣薄暑不成雨夕陽開晚晴宛有家法  
漁洋文順治癸巳曾假閱邊習詩集於東癡先生康熙癸卯予  
在揚州作論詩絕句中一首云濟南文獻百年稀白雪樓空  
宿草菲不及尙書有邊習猶傳林雨忽霑衣著其事也

海鹽朱朴明嘉隆時布衣其西村詩雖未脫臨摹之迹亦有  
佳句因略加揀擇以備盛明時一種七言如數峯蒼翠寺門  
迥三月落花溪水深棟花風過蠶蛾老麥秀城空雉子斑干  
年玉骨湘纍墓萬里堅城少保家雁來關塞暮天碧龍起江  
湖秋水腥巫峽曉風鬢短髻楚江秋水練長裙山圍野色迷  
秦駐海送潮頭上浙江落花時節已寒食流水陂塘還祓除

白雲出岫澹如掃紅藕作花香可憐月明蒼壁繫仙舫風細  
幔亭流白雲此例皆佳

居易錄

梅邨詩話云嘗與陳臥子共宿問其七言律詩何句最爲得  
意臥子自舉禁苑起山名萬歲複宮新戲號千秋一聯然予  
觀其七言殊不止此如九龍移帳春無草萬馬窺邊夜有霜  
左徒舊宅猶蘭圃中散荒園尙竹林禹陵風雨思王會越國  
山川出霸才石顯上賓居柳市竇嬰別業在藍田七月星河  
人出塞一城砧杵客登樓四塞山河歸漢闕二陵風雨送秦  
師諸聯沉雄瑰麗近代作者未見其比殆冠古之才一時瑜  
亮獨有梅邨耳

鍾惺初名恬字叔靜竟陵人惺之弟也以諸生終其詩絕有  
風骨不肯染竟陵習氣古詩如大將雖自貴少小爲奴隸男

兒不殺賊自應死邊城夢想通侯貴意氣始得雄近體如桐

新春後葉竹正午時陰皆佳境有半蔬園集惜不傳已上香祖筆記

吾郡楊太宰夢山先生魏五言冲古淡泊在高子業分甘餘話有華子潛

三季孟間如遠道令人愁況近單于壘秋風入鴈門羽書日

三至微微霽景流天壤色俱素鄉心生塞草世事入秋風風

雨樓煩國關山李牧祠閑將流水引夢與古人居雨響殘秋

地城分不夜天石古苔生徧泉香麝過餘皆逼古作并錄一

漁洋詩話吾郡海豐楊太宰夢山魏先生存家稿八卷余刪定爲

三卷刻於京師謂其五言簡古得陶體五言近體聲希味澹

固是間代清律明作者自高蘇門之外未見其比

宗補附識靜志居詩話夢山與中麓滄漢同郡而其詩遠法右丞左司近取蘇門不蹈章邱峭鄙之音不墮歷下叫囂之習信豪傑之士也當嘉靖初北地信陽朝華已謝滄溟集盛唐人字句以爲律一時宗之正猶隋苑剪綵成花淺碧深紅未嘗不眩人目然生意絕少此時讀夢山詩如水仙十蕚江梅一萼嫣然薄冰殘雪之外有不愛惜者耶

詩話卷十二

佳句

四

龔勗字克懋章印人少貧爲人牧豕三十始補諸生時縣人

李太常

先開

袁西樓

崇冕

方尙金元詞曲勗獨與歷下李于鱗殷

正甫輩以詩古文相倡和終開平衛教授華鼂字空塵亦章  
印人祖珩御史鼂工詩善畫有句云秋老畱紅葉風輕轉白  
蘋愛此疎林月兼之一磬清雨霽聞啼鳥風停數落花與李  
滄溟楊夢山相倡和姓名亦見楊升菴集

明末七言律詩有兩派一爲陳大樽一爲程松圓大樽遠宗  
李東川王右丞近學大復松圓學劉文房韓君平又時時染  
指陸務觀此其大略也大樽警句如左徒舊宅猶蘭圃中散  
荒園尙竹林九龍移帳春無草萬馬窺邊夜有霜九月星河  
人出塞一城碁枰客登樓禹陵風雨思王會越國山川出霸  
才石顯上賓居柳市竇嬰別業在藍田禁苑起山名萬歲複

宮新戲號千秋四塞山河歸漢闕二陵風雨送秦師松圓警  
句如瓜步江空微有樹秣陵天遠不宐秋梅殘燭燼西窗雨  
雪沍香濃小閣雲古寺正如昏壁畫層湖都作水田衣夢裏  
楚江昏似墨畫中湖雨白於絲遠雁如塵飛水面亂帆疑葉  
下吳頭迴峯凍雨皆成雪出霧危巒半是雲多年華鬢絲相  
似三月春愁水不如礪飲斷虹明積翠湖飛片雨亂斜陽羽  
聲變後寒風急虹影消來白日過城上雪聲遊子屐縣南風  
色酒人家嶽寺夜眠春礪雨浦樓寒醉雪山風皆不愧古作  
者

已上漁洋詩話

給事中孫君笠山少負奇氣倏儼自喜承其家學三百篇穿  
穴箋疏洎廬陵睂山東萊華谷諸家之說以上探六義之奧  
旨讀書之餘尤善爲詩雖舟車行役簿書期會未嘗輒廢西

游咸秦南窮甌越詩日益工五言如禁煙寒食路霽雨杜陵  
春楓丹千籟發山紫萬蟲悲爽籟午峯竹清流幽澗泉一帆  
涼月轉四面翠屏開七言如河聲入洛三門合嶽色來秦萬  
里明島藏諸國晴時見風卷洪濤靜夜聞黃菊候中無雁到  
綠榕林外有猿啼此類數十句雖古作者無以加而其憂天  
憫人之意亦間見於篇有皮日休農夫謠元白秦中謠遺意  
求之輒近不易得也

漁洋文

吾友陳伯璣御史本子南城人家南昌東湖亂後流寓鳩茲  
徙舊京晚歸東湖葺雲卿蔬圃故址居之伯璣弱不勝衣雙  
瞳碧色最工五言如斜日明孤城斜風下飛鳥微鐘荒寺在  
澹月空牀得簾興望歸鳥日暮空城曲此例數十句非韋蘇  
州倪元鎮輩不能道也伯璣嘗屬予定其詩伯璣撰詩慰國

雅亦錄先侍御伯父先考功兄詩及予篇什甚夥皇華紀聞并錄二

池北偶談陳伯璣五言詩古澹自成一家如寒日明孤城斜風下

飛鳥又籃輿望歸鳥日暮空城曲此類二十餘篇不減王韋

康熙癸卯施愚山周伯衡皆爲江西監司爲卜築蘇雲卿東

湖故居後數年竟羸病死

漁洋詩話南城陳伯璣允衡清羸如不勝衣雙瞳碧色最工五言如

寒日明孤城斜風下飛鳥籃輿望歸鳥日暮空城曲疎鐘荒

寺在澹月空牀得此類數十句皆王韋門庭中語也伯璣食

貧旅寓白門而好表章故人遺書所選婁堅子柔徐世溥巨

源古文尤爲不苟後歸南昌歿於東湖

友人紀伯紫映鍾金陵人嘗有詩云惆悵天涯頭盡白楊花空

滿閩江樓佳句也按洪武初欲於獅子山卽廬龍山頂作閩江樓

先令儒臣作記故潛溪諸公集皆有此文樓實不果作

南州滕王閣毀於金聲桓之亂順治中蔡尙書士英開府江右

重新之海內名流多賦詩唯海鹽彭義門孫適擅塲其警句云

依然極浦生秋水終古寒潮送夕陽

并錄一

漁洋詩話南昌重建滕王閣落成名流競爲賦詩推彭少宰義門

擅塲中聯云依然極浦生秋水終古寒潮送夕陽余常喜諷

詠之謂劉文房郎君胄無以過也彭又題湖口句云湖光盡

日依樓堞山色終朝滿縣城亦是寫照

泉村附識少宰故第在邑東北隅以順治甲午舉於鄉先給諫同年友也與諸舅孝介先生風華標映鄉人目爲二難所著松桂堂集三十七卷南淮集延露詞各三卷乾隆癸亥彙刻行世山人所舉二聯俱在南淮集中特載其全篇於此秋日登滕王閣云客路逢秋思易傷江天煙景正蒼涼依然極浦生秋水終古寒潮送夕陽高士幾回亭草綠梅仙一去樹雲荒疎風不見南來雁書札何由達豫章登湖口縣城云一望煙波萬頃明女垣高與石根平湖光盡日依樓堞山色終朝滿縣城寒嶺無人孤島下秋林欲雨數蟬鳴何當便作移家計終臥滄洲寄此生孝介名孫貽宇仲謀一字弼仁詩緯錄其詩五首并緝山人評云仲謀詩宏深奧衍竊奇極變惜若齋集不復觀其全矣其發



南浦句云白髮暗生江月滿青山  
無主夕陽多情韻冷致有餘味

予讀施愚山侍讀五言詩愛其溫柔敦厚一唱三歎有風人  
之旨其章法之妙如天衣無縫如園客獨繭約略舉之若別  
緒不可理酒盡暮江頭人日月初晴朔風一夜至月明無遠  
近倚枕不能寐數篇是也至於清詞麗句疊見層出予嘗欲  
仿張爲主客圖之例摘其尤者列以爲圖與康樂池塘生春  
草元暉澄江淨如練仲言露溼寒塘草月暎清淮流并資菰  
苑談助或詰予曰論詩固可摘裂如此耶予曰謝公與子弟  
論毛詩何句最佳或舉楊柳依依雨雪霏霏公謂不如許謨  
定命遠猶辰告爲有雅人深致夫三百篇尙然况騷選以下  
乎因作摘句圖

盡日孤雲在青松滿院寒 山月長清夜江雲無盡時

花亞巖中樹煙橫溪上邨 到門聞午磬遶屋過寒泉  
人煙梅市白山色剡溪深 片雨前峯過高松獨鶴還  
江路多春雨山村易夕陽 野橋沙際滑山塢雪中深  
泉聞深樹裏山響亂流間 共看溪上月正照城頭山  
松火圍寒坐溪窗聞夜漁 夕陽沉積靄空翠辨前山  
明月來天柱長江入縣樓 鶯聲花嶼暖龍氣雨潭腥  
水綠澄湘浦天青入洞庭 山廚連馬櫪官舍奪僧居  
清泉逢谷口老樹識山家 不辨翠微色秋山紅葉重  
江城連夜雨山館獨吟身 柳葉藏洲寺梅花雜吏人  
明月非霜雪滿城生夜涼 春光門外水夕梵雨中燈  
黃葉連江下孤帆冒雨歸 野戍風中角江梅雪後花  
雨色江城暮灘聲野寺秋 谷雲團小閣松露響寒宵

亂山成野戍黃葉自江村  
波平嶽麓寺天入洞庭船

雲樹分曦早江邨出霧遲  
雲氣涼依水鶴聲清滿林

湖影涵官閣泉聲滿郡樓  
縣門流水對城堞半山銜

孤城春水岸歸鳥夕陽邨  
樹葉春藏寺谿聲夜滿樓

臺迥收山郭江清送酒杯  
浦絕叉魚艇人荒種蛤田

城郭千檣外汀洲片雨中  
蘆渚起寒燒楓林明翠微

風起帆爭郭漁歸浦挂罾  
看雲孤閣暮聽雨萬峯秋

孤邨流水在盡日白雲閑  
江帆連雉堞煙樹暖漁邨

江橋紅樹外山郭夕嵐邊  
板橋三渡水楓柏一林霜

谿藤翻翡翠漁艇喚鷓鴣  
雲來見滄海雪淨聞清鐘

樹暗江城雨天青吳楚山  
野水合諸磯桃花成一村

淥水通邨港黃魚出板橋  
高柳不藏閣流鶯解就人

詩話卷十二

佳句

八

片石此天地荒祠自古今 欲問垂綸意桐江秋水深  
飛瀑林中雨斜陽山半晴 翠屏橫少室明月正中峯  
清磬晝長寂片雲晴自深 煙寺初低柳江城半落花  
野蔓沒丹竈天風來嶽雲 竹色翠連屋林香清滿山  
寒雲終日住秋色一山歸 潭煙依檻集山色度溪來  
露將松影白泉與磬聲寒 檻花經雨盡沙鳥過江飛  
果落跳松鼠萍開過水禽 家傳殉國劒身老釣魚磯  
風流滿江漢祇覺似君稀 邨徑半牛跡山田多水聲  
亭空木葉下風緩浦雲畱 暮煙隨野濶山翠入江明  
松雨連山響江雲入寺來 暮雀依寒竹仙猿下雪松  
翠合江天色愁連今古情 疎磬夕陽外平田春水西  
水氣垂天濶濤聲裂地穿 月照竹林早露從衣袂生

影孤彭蠡雁路遶洞庭波 生徭安鼠穴猛虎雜人羣

人老三秋後舟臨十八灘 風笛荷花外漁燈葦葉間

山勢龜蛇鬪江流沔漢分 驚濤自風雨樹杪復重泉

鷺嶺橫天碧龍湫到海深 微雨洗山月白雲生客衣

予嘗以暇日撰感舊山水二集所錄愚山詩爲多意猶未盡

因別取五言近體爲摘句圖傳諸好事者

并錄一

漁洋詩話施愚山游嵩山詩云翠屏橫少室明月正中峯十字令

人孽結不盡

李侍郎退菴順治戊戌己亥間予在京師辱忘年之契論詩  
文一字不輕放過其詩有云酒醒亭午後人憶秣陵西瓜步  
新添水清明遠送行此例數十句唐人絕調也有集二十卷  
手自編刻去畱甚嚴 本朝一作手也順治辛丑過揚州予

造謁舟中因論近日布衣詩予舉程嘉燧吳兆公曰終須還

他邪助第一

并錄一

漁洋詩話六合李侍郎敬字退菴順治末與余及長洲汪苕文

琬

南海程周量則可論詩京邸其說甚精余極愛其五言如酒醒

亭午後人憶秣陵西又瓜步新添水清明遠送行此例數十

句皆不減古人辛丑歸田舟過廣陵猶與余論詩移晷未幾

病卒病中自訂平生詩文若干卷刻之戒其子虔閣二十年

後乃可印行今三十餘年矣余門人吳昺編修其壻也屬索

諸其子至再不可得今無有知其姓字者矣余嘗錄二十餘

篇於感舊集將來或不盡湮沒者意在斯乎

工部主事祁珊洲

文友

予同年也廣東東莞人嘗知廬江縣有

詩云一夜東風吹雨過滿江新水長魚蝦予每喜誦之

并錄一

香祖筆記同年祁珊洲官廬江令有絕句云昨夜東風吹雨過滿

江春水長魚蝦予戲之曰古人警句例標美名欲呼兄作祁

魚蝦必不樂受奈何因憶宋人有呼梅聖俞爲梅河豚者敢

援此例一座皆笑

東武劉子羽秀才有句云桃花柳絮春開甕細雨斜風客到

門并錄一

漁洋詩話諸城劉翼明字子羽居琅邪臺下老而工詩余常愛其

句云桃花柳絮春開甕細雨斜風客到門

宗補案劉句佳矣吾未李徹士秋錦句云元夕春生燈有市故人船到月當門覺格調較勝別有句云筋力且堅花底坐山川卻語酒闌時思每於銓殿月隨時誦味久之灑

然愈倦

竇應布衣陶澂字季一字昭萬有著舟車集予爲刪定其客

湖南閩中諸詩多似高岑龍標今日一作手也過東阿曹子

建墓有句云可憐衰草地猶是建安人爲時所稱

歷城秀才王萃字秋史少年能詩頗清拔絕俗常有亂泉聲

裏誰通屐黃葉林間自著書黃葉下時牛背晚青山缺處酒

人行之句萃師田中丞漪亭雯而友吳徵士天章雯丙寅秋

寄詩於予予偶以書寓張中丞南溟鵬言萃之才中丞特名

見引之客座萃之才中丞之誼皆塵中所少已上池北偶談 并錄

漁洋詩話宗人萃字秋史歷城人康熙丙戌進士詩有別才有句

云亂泉聲裏才通屐黃葉林間自著書又黃葉下時牛背晚

青山缺處酒人行寄余云得名自公始失路復誰憐時人亦

呼爲王黃葉

門人王元式崑山人官國子監博士嘗有句云秋雨茂陵人

獨臥西風汾水雁還來鬱鬱不得志謝病歸遊贛州今年客



死鳩茲可哀也太倉舉人崔不雕詩尤清異出塵有句云丹  
楓江冷人初去黃葉聲多酒不辭人日爲崔黃葉亦不得志  
以歿予載其詩于感舊集

居易錄 并錄三

漁洋詩話余以順治庚子爲江南同考官得太倉崔華不雕工詩

畫常有句云一寺千松內飛泉屋上行欹橋坐清晝薄冷出  
蘋間又谿水碧于前渡日桃花紅似去年時丹楓江冷人初  
去黃葉聲多酒不辭此例甚多余目爲崔黃葉又崑山王朱  
玉元式同出門下後官國子博士常有句云秋雨茂陵人獨  
臥西風汾水雁還來余時爲祭酒題其後云茂陵秋雨瀟瀟  
夜愛爾哦詩四壁秋多少長安苦吟客瘦羊博士擅風流  
池北偶談予門人崔不凋太倉之直塘人性孤潔寡合畫翎毛花  
卉甚工尤工詩清迥自異吳梅村常目爲直塘一崔其佳句

云欹檣坐清晝薄冷出蘋間又一寺千松內飛泉屋上行又  
此中枕簟客初到半夜梧桐風起時又丹楓江冷人初去黃  
葉聲多酒不辭吳人目爲崔黃葉云予論詩絕句云溪水碧  
於前渡日桃花紅是去年時江南腸斷何人會只有崔郎七  
字詩二句亦崔詩也

香祖筆記崔華工詩畫常有句云丹楓江冷人初去黃葉聲多酒  
不辭予極愛之呼爲崔黃葉歷城族子萃壬午舉人有句云  
亂泉聲裏才通屐黃葉林間自著書予亦呼爲王黃葉初予  
少年和李清照漱玉詞云郎似桐花妾似桐花鳳劉公戲戲  
呼王桐花鄒程村云崔黃葉自合作王桐花門生耳

常愛杜詩兩邊山木合終日子規啼又明初人詩數家茅屋  
臨江水一路松風響杜鵑寫蜀江風景宛然在目予曾擬作

一聯送同年張仲誠沐知資縣云子規聲斷處山木雨來時

又嘉陵驛路千餘里處處春山叫畫眉皆眼前實景也

香祖筆記

南海耆舊屈大均翁山梁佩蘭藥亭陳恭尹元孝齊名號三君元孝尤清迥絕俗其詩如離憂在湘水古色滿衡陽帆隨南嶽轉雁背碧湘飛映花谿路閉漱水石根虛枕柳過雨垂空地璚瑁乘潮上古城家山小別吟兼夢水驛多情浪與風之類皆得唐人三昧而平生游跡不出嶺南故知之者較少於屈梁尤工書法嘗以端石寄余手自篆刻云獨漉所貽漁洋寶之獨漉元孝別號也

鄧州彭禹峯方伯

述而

雄豪磊落陳同父一流人也詩多軍中

之作如戰壘荒城蒙段外華風邊月漢唐年白露蠻江凋木葉黃沙羯鼓下營州千盤路吐檳榔鴈一線天開璚瑁池此

例數十句皆有磨盾橫槊之風

邵陽王幼華

又

才最高初爲詩趨古澹後變而之雄放自潛

江令入爲給事中乃斂才就法七言古五言今體多可傳游太華羅浮詩尤爲警策五言如月明飛夜鵲江靜抱嘉魚風煙盤赤壁波浪下黃牛此句亦古人所少

安邱馬長春三如順治丙戌舉人與從弟進士澄源思齊名三如有句云山田高于屋牛在屋上耕可謂善寫難狀之景造語不減馬第伯封禪儀記源思詠白丁香云坐覺人顏澹開憐春日長亦工

鄧孝威

漢儀

過大庾嶺云人馬盤空細煙嵐返照濃極是畫意

并錄一

分甘餘話

鄧漢儀泰州人常同合肥龔端毅鼎使粵過梅嶺有句

云人馬盤空細煙嵐返照濃寫景逼真尤似秦蜀間棧道景物  
梅嶺差早未足當此

閩詩派自林子羽高廷禮後三百年間前唯鄭繼之後唯曹  
能始能自見本色耳丁雁水煒亦林派之錚錚者其五言佳  
句頗多如青山秋後夢黃葉雨中詩鶯啼殘夢後花發獨吟  
時花柳看憔悴江山待祓除皆可吟諷丁晉江人歷官湖廣

按察使

會稽姜

梗

鐵夫句云青山吟鮑謝紅燭寫莊騷

已上漁洋詩話

故友山陽邱洗馬季貞

象

與張虞山

養

游湖東行處州山中

各有卽事詩一云西風黃葉無人徑破廟山神對古松一云  
百年無與人間事老死深山古木中今人穰穰入市者不知

世有此境

古夫于亭雜錄

門人殷彥來寄其亾友夏生任遠遺詩僅一卷中有和余秋  
柳詩四首頗可誦其秋夜讀九歌云湘皇淚雨滋叢竹山鬼  
悲風帶女蘿春寒云梨花落地半窗雨柳絮入簾三日風皆  
晚唐佳句彥來傷其不遇早夭爲序而傳之友道亦可風也  
夏卽余門人九叙 分廿餘話  
從子其妹亦能詩

賦物類

晉謝太傅問諸子姪毛詩何句最佳或舉小雅昔我往矣楊  
柳依依今我來思雨雪霏霏又嘗內集而雪驟下太傅欣然  
曰急雪紛紛何所似兄女道韞最後對曰未若柳絮因風起  
後來惠連作雪賦與希逸月賦竝稱而希逸又以元日朝會  
雪花集衣上奉詔賦詩風流先後照映江左故後人詠雪率  
以陽夏爲口實

鸞尾續文 并錄四

居易錄

或問余古人雪詩何句最佳余曰莫踰羊孚贊云資清

以化乘氣以霏值象能鮮卽潔成輝陶淵明詩云傾耳無希  
聲在日皓已結王摩詰云隔牖風驚竹開門雪滿山祖詠云  
林表明霽色城中增暮寒韋蘇州云怪來詩思清人骨門對  
寒流雪滿山此爲上乘若溫庭筠白馬夜頻驚三更灞陵雪  
亦奇作也近人唯見熊侍郎雪堂文舉輸與黃巖僧補衲滿天  
風雪未開關二語差佳至韓退之之銀杯綈帶蘇子瞻之玉  
樓銀海已儉父矣下至蘇子美旣以粉澤塗我面又以珠玉  
綴我腮則下劣詩魔適足噴飯耳

漁洋詩話

余論古今雪詩唯羊孚一贊及陶淵明傾耳無希聲在

目皓已潔及祖詠終南陰嶺秀一篇右丞灑空深巷靜積素  
廣庭閒韋左司門對寒流雪滿山句最佳若柳子厚千山飛

詩話卷一二

馬也賦物

古

鳥絕已不免俗降而鄭谷之亂飄僧舍密灑歌樓益俗下欲嘔韓退之銀盃縞帶亦成笑柄世人詠於盛名不敢議耳

香祖筆記李義山對雪詩欲舞定隨曹植馬有情應點謝莊衣雖

非上乘語然尙不失雅馴墨客揮犀載羅可二句云斜侵潘岳髻橫上馬良翁則晚唐五代惡道所謂下劣詩魔者也雅俗之間不可不辨

鷺尾續文謝應雲皆人暨其弟法臣對雪倡和嘗歷舉古人雪詩佳句與予夙昔所見了不異人所偶遺者羊孚一贊及范零陵去日雪如花今來花似雪韋蘇州怪來詩思清人骨門對寒流雪滿山溫飛卿白馬夜頻驚三更灞陵雪東坡地爐旋撥通紅火臥聽蕭蕭雪打牕及朱賢隱隱修廊人語寂四山滴瀝雪鳴風數則耳



詠物之作須如禪家所謂不黏不脫不卽不離乃爲上乘古今詠梅花者多矣林和靖暗香疎影之句獨有千古山谷謂不如雪後園林才半樹水邊籬落忽橫枝而坡公竹外一枝斜更好識者以爲文外獨絕此其故可爲解人道耳

鶴尾文并錄二

宗枏附識查田太史云雪後一聯不但格高正以意味勝耳

漁洋詩話梅詩無過坡公竹外一枝斜更好七字及雪後園林才半樹水邊籬落忽橫枝高季廸雪滿山中高士臥月明林下美人來亦是俗格若晚唐認桃無綠葉辨杏有青枝直足噴飯

居易錄趙子固梅詩云黃昏時候朦朧月清淺溪山長短橋忽覺坐來春盎盎因思行過雨瀟瀟雖不及和靖亦甚得梅花之神韻

宗稍附識神韻二字尤詠物家三昧自非天機清妙含毫邈然縱錄事極工繪形唯肖只似畫苑中一派去徐黃寫生之筆遠矣王尚書舛州云詠物詩至難得佳花鳥尤費手大抵拈則滯切則俗惜格則遠情則卑數語入妙非其人不知如青邱雪滿山中一聯至今膾炙人口藝苑厄言亦采之山人獨斥為俗格具眼若斯可空古今作者又案梅詩殊少全璧通翁兩聯猶有此憾後來如放翁孤城小驛初飛雪斷角殘鐘半掩門妙絕之聯前後亦復不稱倚竹真成絕代人并難手為對矣至方虛谷所選梅花一類及郭梅農梅花字字香僧中峯梅花百詠所謂詩愈多而神愈遠爾今之調鉛吮粉者奈何令梅花笑人也

陸魯望白蓮詩無情有恨何人見月白風清欲墮時語自傳  
神不可移易茗溪漁隱乃云移作白牡丹亦可謬矣予少時  
在揚州過露筋祠有句云行人繫纜月初墮門外野風開白  
蓮池北偶談

宗稍附識野客叢書東坡云詩人有寫物之工桑之未落其葉沃若他物不可當此林和靖梅詩疎影橫斜水清淺暗香浮動月黃昏決非桃杏詩皮日休白蓮詩無情有恨何人見月冷風清欲墮時決非紅蓮詩僕觀陳輔之詩話謂和靖詩近野薔薇漁隱落語謂皮日休詩移作白牡丹尤更親切二說似不深究詩人寫物之意疎影橫斜水清淺野薔薇安得有此蕭灑標致而牡丹開時正風和日暖又安得有月冷風清之氣象耶陳標蜀葵詩曰能共牡丹爭幾許柳渾牡丹詩曰也共戎葵較幾多輔之漁隱所見正與二公一同按此論與山人足相發明第以為襲美作及月冷字各異耳月白全唐詩作月曉

宋元憲景文兄弟少賦落花詩得大名刻畫可謂極工然沈石田青樓粉暗女子嫁朱門鳥啼賓客稀更不刻畫而有言外之意唐人高閣客竟去小園花亂飛則尤妙也徐元歎一首云花意寒欲去登樓送所思將分春雨恨似與遠人期野水斷邨路孤煙生竹籬吾徒從此逝忍見豔陽時妙亦不減唐人

宗枬按高閣一聯玉溪生五律起筆也其詩組織機麗而有此清妙之句故知唐人地分乃爾徐作趙然亦從此脫化來別裁集評云落花習徑以生新之筆消除之

趙韞退觀察

進美

詠楓葉云郭外西風繞岸斜長林秋靜有啼

鴉微寒已入娟娟樹遠色初分澹澹霞千里題書臨白鴈重陽疎雨映黃花洞庭木葉傷心目寂寞懷人在水涯梨花云暮煙無語更依依清影含春望欲稀疎近瓊窗留月照寒垂網戶見鶯飛其停閣外青絲騎細舞鐙前白紵衣莫向後庭

歌玉樹故宮風雨已全非

已上漁洋詩話

宗枬附錄別裁集評梨花詩云起結最佳語  
超而韻遠此詠物體也若少陵又成一格

益都王太平

遵

有詠佛手柑詩云斷此黃金體施於祇樹林

度人難下指合掌卽傳心味向駢枝悟香從反覆尋諸天有

真訣巨擘競森森予每歎其工太平又嘗作禪意詩數十篇

池北偶談

宗枬按佛手柑賦詠殊少近錢唐厲孝廉樊榭七律云秋香新載海門船分得兜羅別  
樣綿恰稱客窗清夢後偏宜書幌晚風前悠揚突過千花氣受用唯憑一指禪我正迷  
方煩導示須臾應有舊因緣韻致瀟灑亦復可愛又詠  
蘋婆果云淡白風輕奈句紅顏白梨是工於點染者

唐劉希夷汝陽潭詩魚鱗可憐紫鴨毛自然碧寫物最工然

非初唐人語已似皮陸予近詠寓邸西齋叢竹有句云冉冉

紫雲蓋翻翻紅鵲尾自謂不減劉語

香祖筆記

詠物詩最難超脫超脫而復精切則尤難也宋人詠狸毛筆

云生前幾兩屐身後五車書超脫而精切一字不可移易分

甘餘語

宗枏按山谷內集詠經毛筆凡三詩此其和答錢穆父五律也虛谷選此查田太史云三四屬物邪屬人邪終覺去題太遠使老杜爲之必別有幹辨之法竊謂此聯借物感人寄慨言外故山人取之太史於詩律極細意境稍有未融雖論前賢不少寬假如此嘗見太史手閱律儲一書評次圈點一字不輕放過與外間傳本絕異因亟錄一副時加玩味真覺接引無方也

海豐楊夢山太宰存家稿八卷予喜其一絕云前年視我山中病落日獨騎驄馬來記得任家亭子上連翹花發共銜杯予在京師日曾選訂其集爲三卷謝員外方山重刻之已下藥花附

池北偶談 并錄四

居易錄予向喜陳白沙恰到溪窮處山山枳壳花楊夢山太宰

常憶任家亭子上連翹花發共銜杯新異不經人道偶閱升菴先生集一絕句云滿城幾日黃梅雨開徧金釵石斛花益

新

香祖筆記

藥花入詩多新異如陳白沙恰到溪窮處山山枳殼花

之類予居易錄載之矣偶讀南宋姜堯章集一絕云憐君歸  
橐路迢迢到得茅齋轉寂寥應歎藥闌經雨爛土肥抽盡縮  
砂苗亦佳然以藥闌爲藥物之藥則誤耳

龍蜀餘聞

白芨花白色五瓣瓣中有苞白質紫點肉吐黃鬚極可

玩武連梓潼間山谷多有之予嘗喜陳白沙詩恰到溪窮處  
山山枳殼花楊夢山詩常記任家亭子上連翹花發共銜杯  
皆未經前人道及因得絕句云西風盡日濛濛雨開遍空山  
白芨花

香祖筆記

新安門人汪洪度字于鼎夙有詩名嘗有詠一品如詩

云敢以三春草蒙稱一品如植根緣湛露發豔借恩輝幸自

生同蒂羞將影獨遲未須勞遠寄念此亦當歸自注當歸花  
曾入禁苑賜此名余按藥花入詩最新如人參枳殼皆見唐  
人詩連翹見楊太宰夢山詩余丙子使蜀山路中見白芨花  
因得西風盡日濛濛雨開遍空山白芨花之句若當歸詩人  
止習用太史慈姜伯約事未詠其花始見于鼎此詩耳按崔  
豹古今注當歸一名文無本草云七八月開花似蒔蘿淺紫  
色

押韻類

康熙庚申刑侍高公珩再致政歸淄川未行移居宣武門西  
松筠菴相國益都馮公溥過之流連竟日高公贈詩云戶倚  
雙藤禪宇開無人知是相公來相看一笑忘朝市風味依然  
兩秀才馮公和云隱几僧寮戶不開天親無着憶從來而今

老去渾忘却祇識維摩是辨才子亦和云二老前身二大士  
相逢半日盡爐灰它年古寺經行地記取寒山拾得來

池北偶

談并錄一

鬻尾續文念東公以老病乞骸骨既得請移居宣武門西松筠菴  
相國馮文毅公過之禪喜竟日公賦詩曰戶倚雙藤禪宇開  
無人知是相公來相看一笑忘朝市風味依然兩秀才予繼  
和云二老前身二大士相逢半日盡爐灰他年古寺經行地  
記取寒山拾得來迄今松筠傳爲故事

順治辛丑客秦淮丁翁邀笛步水閣見錢牧翁題沈朗倩石  
厓秋柳絕句云刻露曉巖石骨愁兩株風柳曳殘秋分明一  
段荒寒景今日鍾山古石頭予援筆和云官柳煙含六代愁  
絲絲畏見冶城秋無情畫裏逢搖落一夜西風滿石頭袁荆



州見之戲曰忍俊不禁矣

并錄二

漁洋詩話

余客金陵居秦淮邀笛步上與主人丁翁談秦淮盛時

舊事作絕句二十首人競傳寫虞山錢宗伯亦常居此有題  
石厓秋柳小景詩云刻露巉巖石骨愁雨揅風柳曳殘秋分  
明一段荒寒景今日鍾山古石頭余繼和云宮柳煙含六代  
愁絲絲畏見冶城秋無情畫裏逢搖落一夜西風滿石頭袁  
籙菴于見之笑曰忍俊不禁矣

香祖筆記

余客秦淮邀笛步和虞山錢宗伯石厓秋柳小景絕句

云宮柳煙含六代愁絲絲畏見冶城秋無情畫裏逢搖落一  
夜西風滿石頭袁籙菴見而戲余曰忍俊不禁矣

予少喜徐渭詩句椎牛千嶂外騎象百蠻中昔使蜀有詩三  
百餘篇凡四押蠻字云秋河落百蠻飛鳥入南蠻江山真萬

里雨雪到諸蠻客心爭歲暮猶自滯烏蠻及使粵又有句云  
髯從五嶺白山入百蠻青後有談者未知可追蹤文長否耳  
已上居易錄

先兄西樵和余秋柳句云折來玉手曾三月種向金城更幾  
年徐東癡夜和云爲計使人西去日不堪流涕北征年仲兄

禮吉士弔潞府故宮云不知何處忘憂館宮柳依依似漢年

三押年字皆工

龍石樓爕中允作瓊花夢傳奇成招余輩觀之余酒闌賦八

絕句有自搗檀痕親顧曲江東誰似阿龍超之句獨門人蔣

靜山仁和云玉崑命碎爲檀超余讀而歎曰蔣五此押檀塲

矣

余丙子再使蜀於綿州見羣鹿賦詩云繞郭涪江碧玉流一

川豐草鹿呦呦遠遊忽憶楊岐語爭似渠儂得自由蓋用楊岐方會禪師語也余兒啟涑和之用唐呂溫由鹿賦由此鹿以致彼鹿故曰由鹿余深賞其確切能押險韻又按宋景文云率鳥者繫生鳥以來之曰圖呂蓋得其意而不知說文有此圖字也

已上漁洋詩話 并錄一

古天于  
亭雜錄

余再使蜀於綿州山中見羣鹿賦詩云遠遊忽憶楊岐語只有渠儂得自由用宗門楊岐方會禪師語蓋自言行役萬里不及鹿之飲食止息得自由也余兒啟涑和之用唐呂溫由鹿賦曰由此鹿以致他鹿故曰由鹿可謂工切能押險韻宋景文云率鳥者繫生鳥以來之名圖圖音由呂得其意而不知說文有此圖字圖蓋與囙字媒字義同

余昔在京師有禽宣城梅耦長

庚

送木瓜詩云作貢當年事

詩話卷十二

押韻

辛

已陳煙林搖落重含辛之句陸冰修施愚山

嘉淑

諸公皆次

韻陸用受辛字案宋景文公筆記云盍擣辛物作齏所謂金

齏玉鱠東南佳味古說齏曰曰受辛是白中受辛物擣之蓋

楊德祖解黃絹幼婦外孫齏曰之語

古夫于亭雜錄

帶經堂詩話卷十二